

BAKURUBASANNI


(nimmor 12 songo)

Mali kono = Dorème 300

Afriki kono = Dorème 600

Jamana wore = Dorème 1000

Awirilikalo san 2003



Kunnafonisében bota kalo o kalo. BP: 24 Telefoni : 221-21-04. Bozola Bamako-Mali. San 31nan boko 375nan A songo : dorème 15

Narena-Kuremale siraba baaraw daminena

Jene-Muna-Sayini-Jono-Bananba sirabaw temenéni koperesidan Amadu Tumani Ture ye Narena-Kuremale sira baaraw daminena san 2003 awirilikalo tile 10. Akéra nénajeba ye. Mali goferenaman mögöw tun be kéné kan ani Lagine ministiri min nésinnen don baarabaw ni taransiporikow ma ani Eropu jekulu némogo Mali la ani Lasigidenw. Mali ni Lagine césiraba tilalen don wooroye : fila be Mali kono; naani be Lagine. Fila minnu be Mali la, olu ye Bamako-Narena n'o baaraw daminena san 2002 zuluyekalo la ani Narena-Kuremale, min baaraw daminena sisan.

Narena-Kuremale siraba bëna ke sababu ye ka Mali ni Lagine kala nogon na. A janya ye kilométrë 37 ye., a musakaw bëe be bɔ Eropu yiriwali waribon fe. Siraba in be dilan Faransi ka baarada «Kola» fe. A musakaw be bëna sefawari miliyari 7 ma. Baaraw mëennën ye kalo 15 ye, u be këlosi Esipani ka ciyakeda do fe. Siraba in fiye ye mëtëre 10 ye. Jiriw be turu a kérëda fe; pòn fila be ke a sanfe.

Taama insenfe, minenkownitaransiporikow ministiri Usumani Isufi Mayiga ye Eropu jekulu fo a ka baara kelenw ni bolodalenw na Mali kono. Baara minnu be senna sisan olu ye : Bamako-Kolokani-Jijeni siraba; Jëma-Sandare siraba ani Sandare-Kayi. Sënni Kayi ni Kidira césiraba (min be Mali ni Senegali gëre nogon na) o baara be daminë ka fara Gavo -Ansongo- Labezanga sira ka ani Kati - Kita sira.

Narena-Kuremale siraba in be jago ni nogonsirataama nogoya mögöw bolo i n'a fo ministiri Usumani Isufi Mayiga y'a fo cogo minna, sabu Konakiri pori ka surun Bamako la ka teme pori tow kan. Bamako-Kuremale-Kankan sira bënnna hadamadenw ni minew latemni teliya. Ka bɔ Sunbarakone ka taa Kuremale o kilometrë 43 dilanna ka ban. Peresidan Amadu Tumani Ture ka Kuremale taa kuncera ni dugu maabaw foliye.

Solomani Dunbiya
Badama Dukure

Peresidan Amadu Tumani Ture ka Banjuli taa



Peresidan Amadu Tumani Ture ni Peresidan Yaya Jannen

Peresidan Yaya Jannen ka weleli senfe Amadu Tumani Ture taara Ganbi k'a ta san 2003 awirilikalo tile 6 la ka taa a bila a tile 8 na.

Jamaba tun be jamana némogo nöfe i n'a fo Shogeli Mayiga n'o ye Izinikow ni Jagokow ministiri ye ani Umaru Hamaduni Diko n'o faralen don jamana kókankow ministiri kan k'a nésin kókan malidenw ma, ani Usumani Amiyon Gindo n'o faralen don minenkow ni taransiporikow ministiri kan k'a nésin taransiporikow ma.

Taama kunceto peresidan fila y'u naniya jira Mali ni Ganbi ka teriya sabatili sira bëe kan, k'u sëmetiya.

Alayi Lamu
Badama Dukure

KONKO

| | |
|--|-------|
| Ministri Sogeli Mayiga ka Segu mara taama | ne 2 |
| Ministri némogo ka taama Marokui | ne 3 |
| Faransi wi zako | ne 9 |
| Farafina diébirayafan talen don maramatou mischaniw na | ne 9 |
| Sadamu Husenii ka kunkologeléya kéra sababu juqu'ye traki ma | ne 11 |
| Muisow ka pantalon don dabila torobacské dawla | ne 11 |
| Nolatan: Senegali ye kunnawolo soro | ne 12 |

Minisiri Sogeli Mayiga ka Segu mara taama

Mögow hakili te jigin a la ten, nka kemesarada la, jamana ka senefenw bayelemani izini minnu be Segu olu ka ca ni 50 ye. Izinikow ni jagokow minisiri Sogeli Kokala Mayiga n'a ka mögow ye taama ke Segu mara kono.

Minisiri tun b'a fe ka izinitigiw ni baarakelaw ni sannikelaw kunben walasa ka kuma izinikow baaraw, n'a nafoloko kan, u be min jini goferenaman fe ani goferenama fana jigi dalen don u kan min na.

Minisiri y'a damine SUKALA la n'o ye Dugabugu ni Siribala sukarodilanyorow ye minnu be sukaro toni 32.000 dilan san kono. Ciakeda in ye Mali ni siniwaw je ye. Goferenaman niyoro y'a la kemesarada la 40 ye, siniwaw ka ciyakeda «CLETC» niyoro y'a la kemesarada la 60 ye. ninan SUKALA ye sukaro toni 32.750 bo ka soro jigi dalen tun don hake min kan o tun ye toni 29.725 ye. Alikoli hake min tun bolodalen don o ye litiri 1.859.200 ye hake bolen benna litiri 2.204.972 ma.

Nin jate ninnu te SUKALA jigi fa, sabu toni 19.000 be magasan kono. O feerebaliya in soro goferenaman ka naniya talen fe ka takisi bo sukaro donta kan walasa toni 70.000 be se ka don ka sukarodese bali. SUKALA nemogow y'a jira ko toni 20.000 donna jamana kono yuruguru la.

O kera sababu ye ka sukaro hake se fo toni 207.419 ma ka soro jamana mago be toni 120.000 la. Sukaro min be don ka bo kokan, o bore songo ye baa saba ye. Sukaro min be dilan an fe yan, o bore songo ye baa saba ni kemeduuru ye.

SUKALA jorelen don sabu sukaro hake mintonnendonyen n'omasan, baarakela 10.000 ka sarako ani lenpoko, ani kanpaniko musakaw soro be geleya. SUKALA sago ye sugu ka bireben, ka sukaro donni lajo, ka yuruguru keli.

Sogeli Mayiga ye baarakelaw kumajogonya; u y'a jira ka u ni ciyakeda ce benkanw ka sabati. SUKALA ye ciyakeda ye min bilara kenyereye ka bolo kan ka soro baarakela kelen ma bila ka bo baara la.

Minisiri Sogeli ye hawusakalaforow laje; a y'a kolsi ko ofisi di nizeri be ka izini lamini; izini koronnen don a ka kene kan, n'o ye ekitari 5.000 ye. Bewani kanali fana be ji bali ka bo hawusakalaforow koro.

Minisiri ye Joro duguwolobwula malo izini fana laje min dayelela san 1979 walasa ka malokama toni 20.000 laben san o san. Goferenaman y'a senbo izini la k'a feere Bakore Sila ma. Bakore b'a fe ka sefawari miliyon 200 don izini da fe walasa k'a kurakuraya, sabu a minen bee tijenon don. Izini ma baara ke ninan kanpani la, sabu Bakore Sila ka mobiliw kera ka malo doni walasa ka balokodese bali min soro Kadiwari keli fe. O yoro la ni jiko ma sabati, malo min be sene, nafa te sor'o o bayelemani na.

Jiko sabatili be Bakore ni dugumogow ka ninifewna. Malosiko sabatili be da o kanani dugukurankoani Segusira dilanni. Nin bee be ke sababu ye ka izini ka malowora se toni 50.000 ma ani ka bagandumuni fana toni 50.000 dilan, ola baarakela be se mogo 500 ma, i n'a fo Bakore Sila y'a fo cogo min na:

«Komatekisi» fana tun be minisiri Sogeli Mayiga ka yoro lajetaw la. O ciyakeda in na, goferenaman niyoro ye kemesarada la 20 ye, a to be siniwaw ka ciyakeda «Koweki» bolo. Komatekisi be bagi metere miliyon 10 bo, ani gariton 450 san kono, koerifu bayelemani ye toni 1000 ye ka setoni 2400 ma. Baarakelaw yebaa kelenye: muso 250 be yen. Saraw be ben sefawari miliyari kelen ma.

A kelen ko ka izini laje Sogeli Mayiga ni

komatekisi nemogow a baarakelaw ani sannikelaw ye nogonkumajogonya. Geleyaba min fora, o ye feerebaliya ye. Yuruguyuru be ka bagi ladon fan bee fe Mali kono. Komatekisi b'a fe feere ka soro o waleyajugu la.

«Mali balo canrinyoro», Modibo Keyita ka izini fila ye minisiri Sogeli Mayiga bisimila. Izini folo ka woredi fanga ye malo kama toni 27.000 ye; filanan ta ye toni 45.000 ye. Baarakela hake min be ciyakeda fila ninnu na, o be se keme ma. Modibo Keyita k'ale b'a fe ka do fara a ka malo baarata kana n'a ka baarakelaw. O kama a y'a jini minisiri fe lenpojigin min kera malo ladonbagaw ye Mali kono, o nogonna fana ka ke maloworlaw ye.

O kofe Sogeli Mayiga taara «ESITEKISI» lakolisoba minnesinnentun don fini dalikow ma n'a lakoliso datugura san saba, a dayelen ko, tuma min «CEAO» jekulu cira. Minisiri ko kalanso in nafa ka bon an ka jamanaw ka finikow yiriwali la.

Sogeli Mayiga ko jinifew minnu fora taama in senfe k'a b'u bee lase goferenaman ma walasa jaabi humanw ka se ka soro u la. A ko ciyakeda ninnu yiriwali be se ka ke sababu ye ciyakeda werew ka jo.


Bayi Kulubali
Badama Dukure

Fili do kera Kibaruseben nimoro 374nan na

«Kibaru» nemogoso be «Kibaru» kalanbagaw ladonniya k'a fo fewureyekalo sebenna nimoro 374nan kan, ka soro marisikalo de tun ka kan ka seben.

An be haketo jini ke «Kibaru» kalanbagaw bee fe.

Minisirijemogo Amedi Mohamedi Agi Hamani ka taama Maroku



Minisirijemogo Agi Hamani ni Maroku Minisirijemogo Dirisi Jetu

K'a ta awirilikalo tile 9 na, ka taa a bila a tile 14 na, Minisirijemogo Amedi Mohamedi Agi Hamani ye taama ke Maroku jamana kono. Kun jorjor filatun be taama in na : Folo ye, ka Maroku faamaw hakili jigin benkansben temenenw na, uni Mali ce. Bawo, bolono bilala benkaseben camanna jamana filaw fe, nkoo si ma se ka waleya. Filanan ye ka Mali ka sorou taabolo, n'a kolomayorow nefo Maroku kenyereyew ye, walasa u k'u sen don Mali yiriwalibarraw la, fan fila ka nafa kama.

Bi-bi in na, Maroku be se k'a fo Alihamudulilahi, bawo jamana yiriwalen don. Serifu minnu be mansaya la, Alakira bonsontu, olu ye baarabaw ke, ka yiriwalisira beej lajelen sinsin Maroku kono. Bi, Maroku b'i sanga nansarajamanaw de ma, a yefarafinjamanaw filia kofe amennna. A ni min be se ka sanga nognon ma, o ye Afirikidisidi ye.

Tariku sira la, Mali ni Arabujamana min donna nognon na kosebe ka teme arabujamana beej kan, o ye Maroku ye. Kabini Wagaduni Awudagositilew la, ka na se Manden ma, Songoyi, Azawadi, Segu, ani Masina o be san kemecamanobi, Marokumansakew ni Mali mansaw jera ka baara ke nognon fe, jago, dogni, diine ani fanga sinsinni sira kan.

Yeremahoronyaninikeli waati la, Marokumansake, Seku Ture, Modibo Keyita ani dowerew, olu da tun be file kelen na. Gavo, Tumutu, Jene,

Maroku, ninnu beeyebajuru kelen ye, tarikutigw bo'kalama.

N'i ye nin beej laje, Maroku ka yiriwa, ka se a yere koro, ka fen sorou, ka Mali to torgotorgo la, o te ko benta ye.

O de koso, minisirijemogo ka nintaama in kera a ketuma na. Nka, a ko fijemayoro ye min ye; bi-bi in na, polotiki sira kan, Mali ni Alakira bonsontu da te file kelen na, n'o ye Maroku masakew ye. O te kojuman ye. Mali ni Maroku man kan ka nognon kobilabada. Namarakuma tololen don, k'en t'a la. Nka o n'a ta beej,

minisirijemogo y'a seko damajira ke. A ka taama in senfe, a ni Maroku masakew sigira kakumajama filaw ce polotiki, jago ani sorou yiriwali taabolow kan.

O koso, SAHABI, o ye jekuluba ye min nesinnen don Sojo ni Izinikow ma, o ye naniya numan ta ka nesin Mali ma. O b'a fe ka na simanbo izini do jo Mali kono. O izini in bema siman toni miliyon kelen bo san o san. Mali ka senefen jagotaw, in'a fo koori, malo anijiridenw'n' u nognonaw, jekuluba in ko, a bema Mali deme o fana sira kan. Maroku jekuluba were be yen; o nesinnen be bankiko ni senefenw bayelemani iziniw joli ma, o togo nansarakan na «Advisory Finance Group» o fana y'a jira minisirijemogo la, k'a b'a fe ka na baara ke Mali la. Jekulu min yere ye a sinsin kosebe o nani kan Mali kono, o kera FILATISI ye, o ka baara bennen be gaari ni finidilan ma.

Bakari Kulubali
Mahamadu Konta

Uono depitew ka taama Dogofiri mara kono

Uono depitew ya taama ke Uono komini kelen kelenna beej kono. Nin y'a siye folo ye, u kelen depite ye, ka munumunu Komini kelen kelennaw kono ka kunnafoni di mogow ma depiteya kan. Komini y'a jira ko taama in benna u ma, bawo mogow camantun te depitew joyoro don, an'u ka baara n'u ka fota ani depite yere ye fen minyejamana kono; olu beej lajelen sidonna mogow fe. Sabu, kabini depitew sigira u ye laje fen o fen ke bulonba kono Bamako, u da sera o kuma kumbabaw kelen-kelenna beej ma.

Depite saba ninnu togo file : Amadu Kulubali, Bakari Ture ani Bakari Tangara ka fara Uono Serikili nemogo ka ciden kan Sokolo mara nemogo ani Serikili Zandarama kuntigi.

O temenen k'o, Dogofiri méri Kalifa Kulubali ye nisondiya foli ke ka nensin depite ninnu ma.

O kofe, kuma dira depite Amadu Kulubali ma. Oko a ka kuma kono, ko jamanakuntigi ye do fara forobabaarakelaw sara kan. Kemesarada la a be ben mugan o

mugan doreme 6 ma. O kofe depite, Bakari Ture kumana. O ye depiteya nefo mogow ye. Jaa depite joyoro ka bon kosebe jamana kono, bawo k'a ta jamanakuntigi la ka se minisiru ma, ninnu sitse ka fosi waleya ni depitew ma min wote. A da sera fo depitew ka sarako ma. A ko depitew ka kalosara ye doreme 120.000 bengongo ye, ani «sesiyon» warin'o ye doreme ba saba ni keme woero ye tile kono sesyon kono na.

O beej lajelen kofe kuma dira senekelaw ma. Kumalasurunya la, a yera k'a fo senekela mogo 50 de kumana. O kofe, mogo 50 ni ko minnu kumana, o mogo kelen kelenna ma kuma ta k'a bila ka sorou da ma se nin geleya ninnu ma : ko malo jisongo cayara, angere songo geleyara; ko foro kuraw t'a la ka dilan teliya la, malo feereli geleyara, sirabaw manji, tobilidogoko geleyara soforew fe. Mog 50 ni ko in si ma kuma ta ka nine nin geleyaw ko abada. O b'a jira ko malosenew hamibaw ye ninnu ye.

Bayeni Sako Animateri
Dogofiri kaadokan na (K 20).

Korōnfekelē banni sanyélémaseli

Korōnfekelē tun kera jōni ye Mali sen na, ka a ka taama gelyea. Ala ni malidenw ka césiri, kelē in banna. A banna san 1996, marisikalo tile 27 don, Tumuru. N'aw hakili b'a la, peresidan Alifa Umaru Konare tun b'o kēne kan. Gana peresidan, Jōni Orolinkisi ani jamanaw ni tōn caman ka cidenw, a kera olu fana jēna. Erebēliw ni gandakoyi kelékēcēw ye marafenw bila o don, tasuma donna u la bēe jēna. Kabini o don, san o san, marisikalo tile 27 mana se, jēnajēw bē laben, ka taasi bila kē ka taa donba in ma. Jinan ta tun ye a sanyéléma 7nan ye. Minisirijemogo Ahamedj Mohamedj Agi Hamanitaara Tumutu, ka jēnajēw jēmogoya ke.

Korōnfela mogoba bēe tun be kēne k a n , gawokaw , kidalikaw ani Tumutukaw. Jēnajēw b a r i k a bonyara k o s e b e . Jēnetubanin caman bilala u ka taa n'u yereye, k'oke lafiya sōrōli taamasiye ye. Mali kera taamaseere ye, keléban sira kan.

Tumutu méri, Mohamedj Iburahimu Sise ye kuma ta ka mogow bisimila. A y'a ka nisondiya jira lafiya seginni na jamana kōnō. Donw temena, sigi tun gelyara, siran ni jōre, dannayabaliya juguya, jolibonw, olu tundamatmēna. Osenfe, nafolowtjēna, baganwsara, mogō caman ye jamana bila ka taa. Nka bi, Ala barika la Tumutu be ka segina cogoya kōrōla. Mogot'a dōnk'i b'i diya fo n'i y'i goya.

Dōw tun bolila a san 14 ye jinan ye, olu seginna, hakilisigi ni basigi nanen. Tumutu méri y'a jini, ko soba min jōli daminenla lafiya kēneba kan, obaaraw ka laban, bawo baarakalan ni jōgonlaje minnu bēna kē a kōnō, olu

bēna kē sababu ye ka ben ni lafiya sinsin. Nafolo hake min bēna don o dafé, o be ben miliyōn 200 ma.

Okofé, Tumutumara jēmogoye kuma ta. A y'a jira ko marisikalo tile 27 ka kan ka jate Mali selidonbaw fe, bawo a b'a kunbo. Ay'a jira ko yiriwalibaara si te se ka sira sōrō ni lafiya te jamana kōnō. Mali ye baaraba min kē, ka se ka korōnfekelē in duga, a da sera o ma. A ko gelyea min be korōnfela kan bi, o ye a lasorocogo gelyyaw ye. Korōnfela lasorō man di, a be i ko jamana dō te, bawo a yōrō ka jan. Wa dabali minnu ka kan ka tige, walasa k'a ni jamana fan tōw ni dijē kalanso jōgon na, olu ka dōgo.



Minisirijemogo ka kuma kōnō, a ye foli ni walenumandōn kē malidenw ye, u ka hakilijumantigya la. An ka jamana in ye kodōnjamana ye, ben ni kelenya jamana don. Mōgō o mōgō kera sababu ye ka korōnfekelē in ban, a ye foli lase olu bēe ma. A ye foli kē kuntaw ni Arabuw ka kelē banni na. Kelē minnu be Farafinna kōnō, min be Iraki, min be Iraki, a ye dugawu kē, Ala ka jisuma bōn olu kan.

Minisirijemogo taara a ne da lafiya nakō fana kan. Bolonobila kera keléban sebenw na, o yōrō in de la. Musotōn min be ka o yōrō in kōlosia ye donbolo kē olu ye : Sefawari 40.000.

Bayli Kulubali
Alu Sisoko
Mahamadu Konta

An ka jōgon laadi dannijoona na

Mōgōbe fen min kē, ibe jēsorō de la. Nka n b'a kē ten, o te ko si dilan. Wa dannijoona be senekekaw bila jōgon ne. Sanji te labōlike kosebe i n'a fo fōlo. N balima senekekaw, nafa jumēn w be senefenw dannijoona na?

Dannijoona nafa te se ka fo ka ban. A b'a to sumanw be kōgo ka ne ka samiyē to senna. A dōw la jikodēse te sumanw sōrō wa sumanw kisēcogo be ne.

A be sumanw kisi fēnjenamaniw ka tijenē ma. Walasa dannijoona ka se ka sabati senekekaw bolo, u ka kan ka baara dōw matarafa.

Ka senekemisiw balo ka ne. An bēe b'a dōn k'a fo ko cikela jigi y'a ka sarimisiw ye u ladonkonuman fana be sene nōgoya senekela bolo sene daminewaati. Walasa cikela ka lafiya ka nafa sōrō a ka sene la o sababu fanba be bō a ka sarimisiw la.

- Ka ntugujalanci kē joona
- ka tolinojōdoni joona k'a bōn foro la
- ka wulili kē joona
- ka dannikēminenw laben a tuma na
- ka sumansiw laben ani k'u furake joona.

Dannijonna ye baara ye min be kē sababu ye ka senekela ka sōrō yiriwa ani ka dunkafa sabati. O kama senekekaw ka kan k'o fara u ka senekefēcēw taabolow kan.

Burama Damōnzōn Jara
Cikelaw arajoso ORTM Bamako

Jiko lahalaya

Dōgōkun temennen ji seginn'a kō ba bēe la fō n'a kera bajoliba ye Kulukōrō, ani Senegaliba, Kayi.

"Bajoliba la ni sankarani na, yelema belebele donna jiko la ka sababu kē Selenge babili ni Marakala babili labaarali ye. San 2003 awirilikalo tile 22, ji hakew be salon taw ne yōrō dōw la; uni salon taw ka kan yōrō dōw la ba bēe la fō n'a kera Selenge yōrō ni Senegaliba dunmayorō ye.

Waati kelen na jiw be san hakelama jukōrō ba bēe la fō n'a kera Senegaliba ye Kayi ani bajoliba Bamakō ni Kulukōrō. Taa nefe la ji be segin a kō ba bēe la. Nka yelema doonin be don Senegaliba ni ba joliba la k'a sababu kē Manantali babili ni Selenge babili labaarali ye.

Cikeduguw yiriwalibaara bolodalenw "PNIR" fε

Mali goferenaman ye baara belebele boloda min bε wele tubabukan na «PNIR», ka nεsin cikeduguw ma. Baara ninnu nemogoya bε sene, baganmara ani mɔnni minisirisobolo. A daminena kabini san 2001, a bε kunce san 2005. A nafolo bε ben miliyari 97,5 ma. Dakun damadaw bε PNIR kono, olu mana se ka waleya, siga si t'a la Mali bε bο nogo la. An bε se ka min fo, nafolo hake min ka kan ka don baara ninnu dafε, o bε sɔrɔla, diŋe waribonba y'i jo ni musakaw ye. An bε se ka min fara o kan, o ye k'a fo ko, PNIR daminena san 2001, a ye san 3 sɔrɔka ban, a daminena Alifatile la, a bε ban san 2 kono; nka mogɔ caman t'a kalama, sango cikelaw, a dabokun ye olu minnu ye.

Dakun belebeleba naani bε PNIR kono :

1 - Ji walangatali forow kɔɔ: Mali ye sahelijamana ye, nka Ala ye Mali son fənbaw la : ba belebele fila bε boli an ka jamana kono, n'oyesengaliba ani bajoliba ye, ka fara babolo caman kan ani dalaw. Debo, mogɔt'o fɔ mogɔ ye bilen, o ye jikeneba ye Mɔputi mara la, ne te se ka se min dan na. O kɔfε, jateminew y'a jira, ko senekedugukolo taari 2.200.000 bε Mali kono yan, ji bε se ka ladon minnu kono, sene yiriwali kama. An bε don min na i ko bi, taari 240.000 dɔrɔn de sera ka laben Mali fε. O de kɔson ji ladonniforokenew kono, okera a dama dakun ye PNIR kono.

Taari 5.850 bena laben, Sokolo

Taari 1.315 bε laben, Mbewani

Taari 1.115 bε laben, kumuna

Taari 500 bε laben, Moti

Taari 250 bε laben Gawo

Taari 250 bε laben, Tumutu

Nin baara ninnu ninina goferenaman fe, sigida mogɔw fe. Nin sigida ninnu na Segu, Moti, Gawo ni Tumutu maraw kono, dugukolo bena laben, ka forokenew ci k'u tila cikelaw ni nogoce, ka jiwoyodingewsen ka bila u la. San kalo tan ni fila, sene bε se ka ke fala labennen ninnu kono.

2- Dunkafa, minniji sanitamananisigida lakanani dakun.

Minniji sanitanko siratige la, a jirala ko n'i ye malidenw jo keme o keme, bi naani ni woɔɔ bε jinogomin na san kuuru - kara. O cogoya la, bana te se ka nogoja sigidaw la abada. O de kɔson PNIR ka baaraw hukumu kono, kolon 1.100 bεna sen, Kayi, Kulikoro, Segu ani Sikaso maraw la, pɔnpekolonw b'o la, simankolonbaw, ani Farafinkolonw.

3 - Sirabakow dakun : Cakeda sigira o hukumu kono, min bεna a nεsin sirabaw dilanni ma dɔgɔduguw ni kubedaw ni nogoce, cikeduguw la. Sira kɔrow labenni ani kuraw dilanni, o feɛrew fana bε tige.

Nara-Πonc sira, kilometere 242, o bε laben.

Bananba-Πonc, kilometere 211, o bε laben.

Jenε-Sayi, kilometere 60, o fana bε laben.

4 - Sigida Lakanani dakun :

A jirala k'a fo, ko baaraba fen o fen bε ke cikeduguw kono, olu bεs bε se ka ke sababu ye ka sigida tige. Goferenaman ye cakeda sigi sen kan min bεna sigidaw kɔlosi, ka tige.

kunben, k'u bali.

5 - Musakako dakun :

PNIR baarawmusakaw bε ben dolari wari miliyari 139,3 ma, o bε ben sefawari miliyari 97,5 ma.

- Mali b'i jo ni sefawari miliyari 12,18 ye,

- Sigida mogɔw b'u jo ni miliyari 3,22 ye,

- Holandijamana b'i jo ni miliyari 1,54 ye,

- IDA b'i jo ni miliyari 80,5 ye.

Waati ni waati, waridilaw, baaraw kebagaw ni Mali goferenamana bε to ka lajew ke, ka nafolow donyɔɔ n'u bɔyɔɔ fesefesε, ka baaraw kecogo kɔlosi. Πinan, k'a ta awirilikalo tile 16 la, ka taa a bila a tile 30 la, fesefeseli duurunan baaraw bε ke. An bε don min na i ko bi, baaraw bεs lajelen daminena, nk'u si ma ban folo. Dow b'u damine na, dow sera utilance ma, dow kebagaw sɔrɔla, olu bε ka baaradamine feere tige.

An bε se ka min fo ka fara nin kan, o ye ko jujɔn man gelén fo laban.

Ala ka Mali deme, k'a demebagaw deme.

Mahamadu Kɔnta

Pilan ka (CED) Edikateriw ka kalan

Kalan insigira senkank'ata marisikalo tile 24 na, fo awirilikalo tile 7. A nεsinne tun don pilan sanankɔroba duguyiriwakalansow edikateriw ma. Kalan intun bε geleyaw kan edikateriw ye minnu sɔrɔ kalo saba kalan senfe kalansenw na. Ntεnen, marisikalotile 24, san 2003 nege ne seegin waati, kalan in dayelēla. Mogɔ caman ye nogoce sɔrɔ kalan dayelēla la i n'a fo Sanankɔroba méri ka ciden n'o ye dankanfoloye, pilanka ciden, Baginda Kapu ka cidenw ani ankadereri ni edikateri bεs lajelen. Pilan sanankɔroba duguyiriwakalansow bi saba ni kelen ye ani edikateri bi saba ni kelen. Edikateriw tun ye kalo saba sɔrɔ kalan na kalansow kono. Πinan, pilan ka duguyiriwakalansow bε san filanan na. Kalo saba ninnu kono, edikateriw ye geleya minnu sɔrɔ kalansenw na, o geleya ninnu bεs farala nogoce kan ka boloda tile tan ni duuru kono. Geleyaw tun ye keresaba

lamini sɔrɔcogo, koorilamini sɔrɔcogo, negeen sawurama kalansen kecogo, kalanje ni sebenni kalansenw labencogo, tariki kalansenw keli, tilali marata bε minna, nataliyekalansenw kecogo. Ankadereri tun ye Lasana Bagayogo ni Mari Jara ye. An ye tile tan ni duuru ke kalan na ka geleyaw furake nogoce. Kalan in kɔnɔna na, geleya tun bε yɔrɔ o yɔrɔ, o bεs fesefesera nogoce. Kalan in nafa bonyana kosebe. Edikateriw ye faamuya sɔrɔ u ka geleyaw la u ye minnu sɔrɔ kalansow kono. Nogoce lajeba do kera ka nin tile tan ni duuru kalan in kunce. Cakeda caman ka cidenw yera datuguli in na i n'a fo Kati Akademi nemogɔba, Baginda Kapu Konseye fila, Sanankɔroba Méri ka ciden, ankadereri minnu ye kalan in ke ani edikateriw (CED) n'olu ye duguyiriwakalansow ye.

Dirisa Bakari Jara
Diyo - Buwatubugu Kati

Nisongoko

A fôra k'an y'an
yere ta n'o ye
maraseginso ye.
Nka a bëe mana
ke nin ye a nafa
ma ye fôlo de. A
gelyaw kun
bora sabu Kita
Komini dôw la
sisan 2003



Pate Boli

nisongo jurukani daminena cogo
min na o ma ne diya hali dôconin.
Sabu meriw be garidiw ta sara la
tile o tile mogo kelen dôrôme 400; u
be taa mogow miné dugu kono.
U be n'i sigilen soro i ka du kono, u
te hali foli ke; u y'i mine ka ban; hali
ni ye i nisongo dafalen sara u b'a fo
k'i ka dôrôme 200 sara. O ye
garidiw ta ye; wa dutigi kelen-kelen
bëe be dôrôme 400 sara nisongo
kofe.

Nka ni nin ko ma dabila a da bëna
se komini tow ma. kita ye komini 33
ye nka nin walejugu in be ke komini
2 de kono fôlo.

Nka n'an ma kón a ma a be don a
bëe kelen-kelen kono.

Pate Boli
Danbanna Kita

Safura ka kuman

Kerimali ye tile 45 kalan dô ke ka
nesin kalandenmasaton nemogow
ma n'a be fo ko (APE). Kalan in
kuncera kari, Awirilikalo tile 20 san
2003. Kaladenw tun ye mogo 16 ye.
Ne kelen tun ye muso ye. A be fo ko
musow ye du ntuloma ye, nka
sigidayiriwali baaraw mana se nin
be ke musow ko. O misali do file nin
ye. Ce 15 ni muso 1 : 1 ni 15 ce ka
jan de. Ne b'a nini nemogow fe; nin
nogon baara o baara, n'a be boloda,
muso ka caya a la.
Ni nemogow be sigi hakili ka to
musow la.

Safura Samake Konja
Zezana komini Segu

Munna «KIBARU»

te bo don o don?

Ne be kibaru baarakelaw nininka
mun de la kibaru te se ka bo don o
don. Sabu n'i ye jatemine ke kibaru
damine ni bi ce a ka ca ni san 30
ye. N'i dun y'a laje «Enfo maten»
n'u nogonnaw bëe bora kibaru ko.
N'an sera ka kibaru bo don o don a
ka ca a la an be fanga soro.

Isa jalo
Animateri Kodugu Kati

Jaabi

*Kibaru nemogoyaso be Isa Jalo
Iadonniya k'a fo nasarakan
kunnafonisebenw kalanbagaw be
dugubawkono; Kiabrutawbetogodaw
la. An be don min na i ko bi cogoya si
te yen min be kibarusaben lase
togodawla don o don walima dogokun
o dogokun. Nka ni cogoyaw soro la
kibaru be ke don o don boli ye.*

Maraseginso

Maraseginso ni dôw k'a ma mara
cemaboli, o kera anw togodalamogow
bolo baara ye. Bawo ka soro mara ma
segin so anw tun be nisongo sara ni
hakili ye. An be don min na i ko bi
togodalamogow be nisongo sara
diyagoya la, ka wari sara sarakojuju
la.

O temenen ko dôwera donna a la, o
tun ta la. Bawo dutigi n'a ka dudenw
togo sebennen don sebennura min
kan, k'o nisongo fana be sara, o koni
ye koba de ye bi. N'i y'a jatemine,
jamana nemogow ko faantanya ka
kele, nin baarajuguw b'a la ka ke
togodalamogow la. Nka ni faantanya
ma ne kele ko a be kele anw
togodalamogow kan. Nin y'an san
saba ye senekelaw be sanjikodesela;
balo te soro, gelya be mogow kan.
Mara nemogow ka laje ka hin
faantanw na sa.

Mamutu Koyita
Komine, Faraku Masa Kominife, Segu

ninikali

Ne be nininkali do ke Mali nemogow
la. Yala, faama minnu be Sirada la, ni
an b'u wele ko Zandaramuw, olu ka
Siradalajo be ke mun nofe de?

Anwka Komini na, n'o ye Nôsonbugu
ye ani wôldo komini, nsonw be na an
ka misiw miné fo an ka duw kono,
sufé. U b'u kantigé ka taa ka golo,
kunkolo, furu ni nogow to yen, ka
sogo to ke mibili kono, ka na o feere
Bamako. U be teme Zantaramaw na,
fosi te fo u ye, fen te ke u la. Sisan, bëe
be si ka bo ka i ka misiw laje sufé,
bawo senekela jigi ye a ka misiw ye.

Madu Jara, Animateri Warala
Kamala, Nôsonbugu mara la,

Mamutu Koyita ka nininkaliw jaabi

Mamutu Koyita balikukan karamogo
ka bo Komine Farakumansa Komini
fe, Segu, ye Kibaru nininka
ntolatanyoro numew kani ka teme tow
kan dije kono. An ye jaabi minnu soro
o file nin ye :

- Farikolojenajeyoro min ka bon ka
teme a to bëe kan dije kono, o ye
Marakana ye, Berezili jamana kan. A
be mogo 100.000 ta.

- Farikolojenajeyoro minnu cëka ni ka
teme to bëe kan olu ye :

Azakisi Amusiteridamu (Aja
Amsterdam) ka farikolojenajeyoro ye.
A bililen don k'a ben tewu.

Faransi farikolojenajeyoro min jora
san 1998, Kupudimondi kama, o fan
kelen bililen don, o fana nemogow
kosebe.

Zaponfarikolojenajeyoro, Yokohama,
sigiyoro 80.000 ani Sewuli ta, (Kore)
mogo 80.000, olu fana, be da
cejumanbaw ni belebelebaw fe dije
kono. Bariseloni farikolojenajeyoro,
sigiyoro 80.000, a togo Berinalen, o
fana ka bon kosebe.

Farafinna kono, farikolojenayoro min
ka bon n'a to bëe ye, o ye keri
farikolojenajeyoro ye, Misira jamana
kan. A sigiyoro ye 80.000 ye.

Solomani Bobo Tunkara
Mahamadu Konta

Woljedo sirabako

Anw tun be miiri an ka siraba «gudorōnko» la kosebe; nka, an be don min na i ko bi gudorōn sere anw fe Woljedo.

Aa! nka mobilibolilaw t'u miiri k'u selen be dugu kono ka mōbili boli dōnni. O kelen be mōgo kōnoganko y'anw fe yan bi.

Tarata, mariskalo tile 25, san 2003, wulada fe negē kanje 18 temenen ni sanga 30 ye, mobiliba fila nana jo nōgon kerefe; o kofe mobiliba wērekun bōra; mōgo hakili la o be jo. O waati la, o ye dōfara boli kan. O waati kelen na Abilayi Jara n'a tun be wele ko Abilo a y'o foroki i n'a fo bogokene. Abilawy Jara fatura k'a sito sansaba la. Jenfa Jara ni Umu Tarawele den tun don.

O waati kelen na mōbili dōtijenentun don; o fana ma se ka jo cogo si la. O y'a yere sōro kala kono; nka mōgo ma to o la. Ne b'a nini mobilibolilaw fe n'u sera dugu kono, u ka boli dōonindōnin.

An ka siraba dilanniko diyara an ye kosebe. Nka halisa a «pasé» ka ca kosebe. Ni nōmogow ni mōbilitigw be se k'a laje ka dōonin bo an ka pase la o tun be diya an ye kosebe.

Soyibajan Jara Kodumadala
Woljedo Nōnkō Komini Kolokani

Madu Pileya ka bō Seku ka wēre la Kalabugu Saaro komini na Kemasina ka nininkaliw jaabi.

An be don min na i ko bi, kurane dafalen bayelamanen te Bamanankan na. Nka labenw be senna balikukalan cakedaw fe ka baara in boloda Mali silamew ye. Fen min ye ntolatan sariyaw gafeke ye, an be se k'a fo, ko o gafe jōnjōnt'an bolo. Nka ntolatan sariyaw sebenna Kibaru kono san 1995. An balimake be se ka nimoro korow laje.

Mahamadu Konta

Samiye ma ne NPebugu

Gelyea min be anw fe yan, o file nin ye. Jinan ye a san fila ye, sanji te foori. Ni sanji ma foori senekela be balo cogo di? Ne b'a nini mériw fe, u kana nisongo gelyea. Folo, ni kōri wari tun sōrola, méri tun be ci bila kaa taa nisongo kani. Jinan, kōri juru ma se ka sara, kuma te nisongoko ma. O temenen kōsemudete k'a dōn koji ma foori ninan.

Sanba Jane ka bō NPebugu
O be Sanando fe Segu

Senekelaw ka segen

Ne b'a nini Mali nōmogow fe u k'u hakili to senekelaw la sabu segen min be senekelaw kan a damatemennen don.

Ni nōmogow sera k'u hakili to senekelaw la Mali kōnogan be nōgoya. heresorosira te temen kōnoganbagato demeni kan. Bibili ko ten, kurane ko ten.

Jinan san tijena nk'o na ta bēe jinan senekelaw ye kōriw feere ka wariw ke nōgojuru ni pōsonnijuru ye. Jinan samiyē tijeni ma dogo Mali yōro si la. Ni nōmogow m'a laje, senekelaw ka segen damatemena. Ne be dugawu ke Mali senekelaw be se ka hēre sōro cogo mi na Masa Ala k'o nōgoya.

Abudu Burama Konare
Jifale Jedugu Kat.

Kōrikō gelyea


Gelyea do b'an ka dugumogow kan kōrikō la, aa! o te gelyea numan ye. O ye gelyea min ye? Fōlo OHVN, Otiwale tun be taa kōrikolo ni nōgo ni pōsoni di an ka dugumogow ma an ka dugu kono. Nka sisan o te ke tun. U be Ala mine ka taa an ka kōrikolo ni nōgo ni pōsoni bee jigin Jiburula dugu kono; o kofe u be ci bila dugumogow ka taa u ta yen.

Jiburula ni Sanankō ce ye kilometere 20 ye. Nka i be se k'a jate kilo 100 ye, sabu u ni nōgon ce sira man ni hali dōoni. N'iye kōrikolo walima nōgobore

da negeso la walima wotoro kono, ka bō Jiburula ka taa Sanankō, i be sanankō sōro yōro o yōro, i be nini ka kōrisene haramu. Ala ni segen fe. O tuma n b'a nini Otiwale fe u tun be taa kōrikolo, nōgo ni pōsoni di an ma an ka dugu kono cogo mi na, uk'a laje ka taa di an ma ten.

Basiru Kulubali
Sanankō Ncibaso Kat

Kōnōko



A be san saba bō bi kōnōko te ke Kōtuba, k'a sababu ke gelyea ye. Ni min denmuso sera furu ye, o be mins ka di a ce ma falakaw fe, ko denbaw ko se t'u ye ninan, ka

denmuso kōnōbo k'a sababu ke ji nabaliya ye. Muso dōw be san fila ke walima san saba ka sōro u ma kōnōbo.

N'i be muso furu Kōtuba sisan, musoce be wari min ke ka kōnō musakaw ke, o ka ca ni musofuruwari ye. Musoce be ba fila san. kelen be faga burannakaw ye; kelen be faga teriw ye. O y'a sōro i ye ci bila u ma k'i ka kōnō ye alamisa nata ye. Npogotigiw be gita fo alamisasu fe. Ni gitafō banna waati min na, denbadunufo be ke dugu cemance la. Dunu be fo, fo ka dugu je. O ye fōlo kōrōlen ye.

Dugu cemisenw ni npogotigiw be nōgon sōro kōnōce ka so dalabaro la. O y'a sōro walo kilo 15 walima kilo 20 be ka tobi. Sise wōro be faga k'olu ni malokini dun nōgon fe. Te be wuli fo ka dugu je. Arajo ni kaseti b'o cogo la fo ka dugu je. Dugu mana je kafe be wuli. Buuru kala bi duuru walima kala bi wōro be sān. Musoce be-nin bēe san a ka kōnō senfe.

Faraba Balo
Animateri Filadugu Kōtuba Kita

Kalansen n° 5nan Joli taamasiyenw

Kuma ka kɔrɔ ni səbenni ye. Hadamadenw ye taamasiyenku lü mabennenw dilan, ka se ka kumaw səben. Nka səbenni kɔnɔ, kumakan jigini n'a yelenni, joliw, nisɔndiyakow ni nisɔngoyakow n'u nɔgɔnnaw, olu bə se ka jira cogo di? Olu bə jira ni joli taamasiyenw de ye. N'i y'ika səbenni ke ka sɔrɔ joli taamasiyen t'a la, a bə ke i ko na kɔgɔntan, a bə ke i ko nɔgen, kun ni ju tə min na, kɔ ni ne kuma te. O səbenni suguya tə se ka kalan, a tə se ka faamu.

Mogɔcaman bə batakiw ci an ma, uts joli taamasiyenw ke u kɔnɔ. Dɔw b'u ke u ka səben na u kufɛ, utə u nɔciw don o de y'an bila ka nin kalansen duurunan in ke joli taamasiyenw n'u nɔciw kan.

Joli taamasiyenw ka ca, dɔw file nin ye :

1-Tomi(,),nininkalitomi(?)Nagalitomi(!)

N'i ye kumasen kelen səben, n'i sera a laban na, i b'i jo ka tomi ke yen. Nka ni nininkalikumasen don, nininkalitomi bə ke a laban na; otaamasiyen ye nin ye ?. Ni nagalikumasen don, nagalitomi bə ke a laban na; o taamasiyen ye nin ye !.

Nɔciw

Ka kuma burututu hali i tə ninakili, o ka gelən. I bə to ka fijə minə k'a bila kasɔrɔ ka təmə ni kuma ye. O cogoya kelen na, səbenni fana kalanni burututu ka taa, o ka gelən, o man ni. N'i ye kumasen do kalan, sani i ka dɔwəre damine, i b'i jo, ka fijə sama k'a bila. Tomi nɔci ye, k'a jira, ko kumasen laban na, i ka kan k'i jo, i ninakili kana ja. Ni nininkali bə kumasen kɔnɔ, a tə se ka laban ni tomi ye, nininkalitomi de bə ke a laban na, k'a jira ko nininkali kera. O b'a danfara kumasen tow la. A ka ca a la, nininkalan bə nininkalikumasen kɔnɔ. Nininkalan ka ca. Dɔw file nin ye : wa, jumən, joli, mun, jɔn, yala, di, kɔri, kɔni... nininkalan bə nininkali tilen, a

bə kefen min kan, o bə pereperelatige. Ni nininkali bə kumasen kɔnɔ, ka sɔrɔ nininkalan fan si t'a kɔnɔ, a tə laban ni nininkalitomi ye. A bə laban ni tomi ye.

Misali : Somake ye pi ke, ka pa ke, a ma je. N ye n yere nininka o don ni kise bə jaba la.

Nininkali bə kumasen filanen kɔnɔ, nk'a jəgənnen don, o kofe, nininkalan t'a kɔnɔ. O de kɔson, a ma laban ni nininkalitomi ye.

An bə se k'a fo, ko nininkalikumasen ye suguya fila ye. Dɔ bə yen, nininkalan bə o kɔnɔ, o nininkali tilennen don, o bə laban ni nininkalitomi ye. Dɔwəre bə yen, nininkali min b'o kɔnɔ, o jəgənnen don, nininkalan t'a kɔnɔ, wa a bə laban ni tomi ye.

Kɔlsili : A bə fo kumasen min ma fɔkumasen (bekumasen ni tekumasen), ofɔcogobəsek'oyelema ka ke nininkalikumasen ye. Ola, nininkalitomi bə ke a laban na.

Misaliw :

Madu nana ?

Madu te na ?

Nagalitomi b'a jira kumasen laban na, ko dusukunnako dɔ bə kumasen in kɔnɔ : nisɔndiya, nisɔngoya, siran, dimi, diyagoya o n'a nɔgɔnnaw.

Misaliw : A y'a bin koyi ! Wuli i k'i jo!
Si binna a tɔmɔminen kɔnɔ!

Nagalitomi bə sigi kumasen laban na cogo min na, ka nison jira, (nagalikumasen ni diyagoyalikumasen) a bə se ka sigi dane dɔw fana kofe, i n'a fo nagalanw, togɔw mankutuw ani dane wrew n'u bə nagali jira.

Misaliw :

Esilkeyi !

Ala !

Cənin in sa !

Heyi ! Finman !

(An da bə se joli taamasiyen tow ma Kibaru nataw kɔnɔ).

Mahamadu Kɔnta

Anporodi/Saheli ka tile 45 kalan Nɔsonbugu

Anporodi/Saheli ye poroze ye, min bə baara la Nɔsonbugu komini kɔnɔ, Kolokani mara la. Poroze in ka baara nesinnen don sigida lakanali n'a yiriwali ma Saheli kɔnɔ. Poroze in ye baara damine Nɔsonbugu komini na san 1996. A bə baara ke dugu 14 kɔnɔ.

Poroze in ka deme kologirin nesinnen don musow demeni ma Nɔsonbugu komini na. A bə musow kalan balikukan na; a b'u dege baara caman na i n'a fo situlubɔmasin labaariali, nɔsusumasin labaariali. A bə musojekuluw sigi ka wolosəben jini u ka jekulu la, n'o ye «eresipese» ye. Poroze in bə jurumisenniw don musow la, k'u ka sɔrɔw yiriwa. O bəs təmənen kɔ, poroze in bə kalankeminen dafalenw bila balikukalansow ninnu bəs kɔnɔ dugu 14 kɔnɔ. Poroze in bə lakɔlisow jo, ka nɔmagasanw jo, ka balo ke u kɔnɔ. A bə kɔlɔnbaw sen; a bə musow dege safunədilan na ani galadonyɔrɔw dilanni; a b'u dege galadon na an ka duguw kɔnɔ.

Anporodi/Saheli baarakela ye mogɔ saba ye Nɔsonbugu komini kɔnɔ; u sigilen don Nɔsonbugu dugu kɔnɔ. O nəmɔgo ninnu na, kuntigiba ye Amidu Sanu ye, n'o ye «kɔridinateri» ye, ani animateri fila : Zumana Jara ni Aramata Danbele.

Poroze in bora ka tile 45 kalan ke dugu 14 ninnu kɔnɔ, walasa duguw ka nətəa bə sabati. Poroze in ye balikukan karamɔgɔ bila dugu 14 kelen-kelen bəs kɔnɔ, ka karamɔgɔw sara. Kalanw damine zanwiye kalo la, k'u kuncé marisikalo tile 14 san 2003. A kalan kera wasaba ye a duguw kɔnɔ. Nka poroze in ye gelyea min sɔrɔ kalan in na, o kera kalanso matarafabaliya ye musow fe.

Ne yere tun bə karamɔgɔya la Forokobugu dugu kɔnɔ. Forokobugu ye dugu ye min bə Nɔsonbugu ni tilebin ce ni kilometre 6 ye.

Anporodi/Saheli ye poroze ye min ka deme taabolo ka ni kosebe sigida yiriwali baaraw la.

**Mamadu Jara Npeseribugu
Masantola, Kolokani.**

Faransi wizako

Sében min bë dunanw yamaruya ka don jamana wëre kono, n'a bë fo a ma, tubabukan na wiza, gëleyaba tun donna o söröli la malidenw bolo, sango Faransita, o söröli tun kéra sekili-sabasiri ye.

O de kosoñ, taratodon, Awirilikalo tile 15, kunnafonidilaw ni Faransi wizako némogo min bë Mali kono yan, Iwu Bokeli, olu jera ka sigi ka kuma.

A' hakili b'a la, wizako gannen, a kurutukurutu cayalen, mögow söröla yen, minnu ko, ko peresidan ATT de y'a jira, ko Faransi kana wisa di malidenw ma. O nkalontigiyara, nka fo kunnafoniw tun ka di mögow ma, k'u lafaamuya halibi wizako in kan. Kunnafonidilaw lajelen, nininkaliw bolila wiza söröli gëleyaw kan ani namarako minnu be a ko kunna. Faransi wizako némogo ye kuma ta ka jaabiw di. A y'a jira ko bi-bi in na, ni mögo min ka sëbenw dafalen don, ni sëben namaralenw te, i be se ka Faransi wisa soro tile naani kono. Wizajinina ka kan ka jatigilasében nini, baarakésében ani taransipori dantigelisébenw.

Jatigilasében te minnu bolo, faransiwari, Euro 50, o ka kan ka bë, safawari 6550 ma, o jatelen be lotoli sara ye tile kono. O tuma, n'i be tile hake min ke Faransi, fo o lotolisara ka ke i kun föl, ni jatigila t'i la, n'o te i te wiza soro. Hali jatigila be minnu na, wari hake do fana ka ye olu kun, u bololankolon te se ka don Faransi kono. Bololanafolo min ka kan ka ye u kun, o ye jatigitanya nafolo tilance ye. O kofe, i be taa Faransi kun min na, o ka kan ka pereperelatige k'o ke sëben ye, o fana be fara wizajini sëbenw kan. IWU Bokeli y'a jira, ko Faransib'a fe taamaden kelen-kelen bëe ka nin sariyaw labato. N'i ye gëleya o gëleya ye wizako la, nin sariya ninnu labatobaliya don. Wizajiniseben o be di fu. O be taa bila yorò min na, mögow sigilen be yen bisimilali konuman kama. I be wiza suguya min no fe, i b'o wari sara. O wari in te lasegin bilen, hali ni wiza ma soro.

Nin bëe kofe, fesefeselijekulu be sigi k'a laje min ka kan ni wiza ye ka teme min kan, wizajininanawla. Tileaaninan be dafa don min na, minnu garisegë

diyara, olu b'u ka wiza soro. Lakoliden minnu be taa kalan na Faransi, olu ka kan ka taa kunnafoniw jini Faransi ka döñko soba la Bamako yan. U be taa kalan na lakoliso min na Faransi, u ka wiza söröli be nögoya o ka yamaruyaw kono.

Faransi wizako némogo, y'a jira ko wiza suguya ka ca :

Lakolidenw ta be yen, denbaya kelen mögow ka nögön siralataama ta be yen, magajenabolaw ta be yen ani do wërew. Mögo minnu be taa bë u

somögow ye ka segin olu ka wizajiniseben bilatöla olu be wari min sara, o be ben 1200 fo 12.400 ma, safawari la. Mögo minnu be taa umago nénabö ka segin olu ta be ben 3.280 ma safawari la, (nininiseben bilaliwari dörön de ye nin ye).

Mögo minnu be sebenfuw dilan mögow ye, ka mögow nénamini ka wariw minë u la, wizako némogo y'a ka nisongoja jira o la, ka kankari gelén da o tigilamögow ye. A ko, ko Faransi bëna cogoya bëe lajelen ke, ka nögoya don wiza söröli la ka taa a fe.

Burema Dunbiya
Mahamadu Konta

Farafinna tilebinyafan falen don maramafen misenninw na

N'a fôra maramafen misenninw, sorodasiw ka kelekeminén misenninw de ko don : Marifa n'a tow. A jirala k'a fo, k'o maramafen ninnu be ka munumunu bi Farafinna tilebinyanfan fe, i b'a fo kabako, ka soro fintigiw dörön de ka kan k'u mara. O walaya in kelen be ka faamaw jore kosebe, bawo mögo te u bøyordón, mögo t'u sanbagá dón, mögo t'u sankun dón.

Farafinna Tebinyanfan soro yiriwali tònba ye bënkansében do laben, min be maramafen minsenninw kunkan. O kéra kabini san 1998 okutoburukalo tile 13 Bamako yan. Jamana némogo bëe y'ubolonöbila o sëben in na, fo n'a kéra Seralewoni ni Kôdiwari taw ye. San 2000 la, jamana 15 cela, 13 sonna ka jekulu sigi senkan maramafen misenninw keleli kama. Kabini o kéra, Mali ye tasuma bila maramafen misennin 35.000 la bëe nëna. Nizeri ye 5000 jeni. Senegali ye Naniya jira ke a ko la kabini san 1966, nka o ma Kazamansi kelebali. Maramafeninu nesinen be jorw ma?

Kodiwari kèle kéra sababu ye, Farafinna Tilebinyanfan jamanakuntigiw ka nin néninkali in ke, Dakaro lajeba senfe. U y'a jira ko Sorodasiw ka kelekeminén miliyon 600 de be munumunu na bi Siwiliw bolo dijé nefe. Farafinna tilebinyanfan ta y'o la miliyon 10 ye.

Mali kono yan, Mahamadu Nimaga y'a jira, o ye kokan malidenw ka minisiriso baarakela ye, ko maramafen 100.000 be Mali körönfela la, mögow bolo, kunnajate la; mögo si te a hake yëre yëre don. Mali ta be o cogo min na, an kerefe jamana caman ta be ten

kunfajatew de be fo, n'o te Ala kelen de be maramafen cejugu minnu hake dón, dugumögow bolo. Dijé tònba (ONU) baarakela faamuyalen dón y'i den k'a fôkosan 2002 kono, pankurunw jiginna ni maramafen tóni 211 jiginna Seraliwoni kono, ka bo körönfe nansarajamanaw kan. Seralewoni kaw y'u ta bë a la, a to jenseenna. Nka u jenseenna yorò jumen?

Mögow somi janyara, bawo Kôdiwarikele daminena setanburukalo tile 19, san 2002 kono. A do la, maramafen ninnu camantalen bë yen. Faamaw ma se k'u jo u joyoró la : U desera ka dancew kôlosi ka ne, u ma se ka sariya numanw ta k'u boli a cogo la maramafenko la. Sorodasiw ka maramafenw lasagolen te konuman. Erebeli caman ka baarako ma se ka nénabö. Erefizew (mögo minnu be boli kèle ne ka na u dogo jamana wërew kan) olu cayara, olu fana ni maramafenw be yaala, k'u jensen. A faamuyara ko maramafen jugu minnu jensen be Farafinna kônobi, olu be na ka bo körönfe nansarajamanaw de kan, komisi jamana köröw. Mögow tun hakili la u be bë Llbi de, o ma ke sababu ye.

Maramafenjago sugu kéra sangawuli ye dijé kono, o de be ka kèle caya Farafinna. Jagokela jugu ninnu be ka polotikimögwmw bila nögön na wëla u be se ka maramafen feere, ka wari caman soro.

Madamu Kirisitiyani Agiboton y'a jira ko miliyari 4200 be soro maramafen ninnu feereli la san o san dijé kono.

Kudiya Jorpu
Mahamadu Konta

Kodiwari taransipori ciyakeda be geleya la

Taransipori ciyakeda min be mogow taAbijan ni Name ce, min dayelela san 1980, o te mogo soro tugun sabu nizerika bee taara u ka jamana na. Nin ciyakeda in sigilen don Ajame «gari» la, n'o ye Abijan kin nima do ye; mogo tun te ban ye. Kodiwarika ni nizerika caman tun be nogon soro Abijan. nametaamobiliw la, walima mobili minnu tun be bo Nizeri faaba kono ka na.

Taako saba ka se duuru ma, mobiliw tun be sefawari miliyon 3,5 soro tile kono. Nka san 2002 setanburukalo tile saba kele y'o ban. U be tile saba ke ka kare kelen fali la, soro jiginna ka se sefawari baa keme ni bi duuru ni naani na (154.000).

Kele min be Kodiwari, a be kalo segin bo, a ma kenyereye mobili taransipori ciyakeda si to yen. Caman binna mobiliwbaara la. «Fangaso» ciyakeda la, min fana be Ajame a ka kow cogoya ma ni. A ka kare seegin minnu tun be boli kabini san 1994, sisan o fila doren de be boli la Abijan ni Man kilometere 650 kan. U ka baarakela do, Birino Atise y'a jira k'u be taako kelen de ke

sisan. Taama man di mogow ye sabu binkannikelaw be Kodiwari mara bee la. Mabiligitig caman be sira kan halibi sabu u t'a fe taamadew ka tige u la. Man taransipori ciyakeda «SETEMU SETI» min ka karew be bo Abijan ka taa Man, Wagadugu Bamako ani Name o'y'a kajamanacetaamaw lajo, wa a te se Korogo ni Buwake, mogomurutilenw basigilen don dugu fila minnu na. Masa ciyakeda min be Abijan ni Daliwa ce taama o fana y'a ka taako mugan tile kono segin ka n'a bila taako fila doren na. Barazi caya kono nasiraw kan, o fana sen be ciyakeda ninnu ka geleyaw la. Ka bo Abijan ka se Nizeri dance la, barasi 40 be yen i n'a fo Aman Zibo y'a jira cogo min na. O kera sababu ye ka taama kuntaala janya. Birino Atise y'a jira ko Abijan ni Man ce u be tile fila walima tile saba ke ka soro folo lere seegin tun don. Mabilibolilaw ni mobilikonomogow be tile fila ke laajaba la Abijan ni Daliwa ce, kilometere 365, ka soro folo a tun te teme lere duuru kan. Usumani Sise ka fo la, n'o ye «Masa» ciyakeda

nemogo ye, karew be keme fila sara barazi kelen-kelen bee la. Mobilikonomogow min te kodiwarika ye, hali n'i ka sebenw dafalen don, i be do sara faamaw ye. Musa Dunbiya ka fo la, n'o ye «SETEM -SETI» ciyakeda mogo ye, folo baanaani tun be sara sira la nka sisan a'be se baa mugan ma.

Ciyakeda ninnu deselen ye mogo caman bila ka bo baara la. Kodiwari taransiporikow minisiri ka seben do y'a jira san 2003 marisikalo laban na, ko kele min be Kodiwari, kemesarada la a ye taransipori ciyakeda 75 nanbaraya. kemesarada la 65, ye baara bila ka baarakela 1265 baaratanya. Dugubakonotaransiporiw de b'u diya kele in kono. «Sutara», n'o ye Abijan taransiporiye, o karew falen dontuma be; u yoro ka janbarazi ni surafen minelaw la. Karel caman taara Yamusokoro ka mogo bolilenw ta. O koso jama be girin karew kan. «Sotara» ciyakela do ka fo la, u ka mobiliw te laboli ke Abijan dugu kono.

Fiyakere Wijinuw
Badama Dukure

Sadamu Huseni ka kunkologeleya kera sababujugu ye Iraki ma

Iraki ye Arabujamana ye, Silamejamana don. Silameya duguba caman be Iraki. Silameya dönnibaga caman ani a Alimamiba caman fana bora yen. Soro siratige la, Iraki be se ka jate jamana yiriwalenw fe; seko ni döñko siratige la, Iraki jatelen be jamana körbaw fe diñe kono. Sorodasiya siratige la, sani kele folo tun ka damine, Iraki tun ye duurunan ye, Amerikew, Irisijamana, Angilejamana ani Faransi kofe. Nka Sadamu Huseni ka damatemewalew n'a ka kunkologeleya nana ke sababujugu ye Iraki ma.

Iraki ni Iran ye san caman ke kele

la, si ma se si la, o tijeni barika bonyara fo k'a damatem. Ala ye jisuma bon o kan, o banna. Kelekorosa ani kuradabo, o kele banna hali mogow ni ma lafiya, Iraki ye Koweti mine, ka Makanjamana bon, ka Banisirayila bon, ka diñe nagami ka don nogon na. O kera golifukele ye. Min kera o la, bee bora o kalama. Lamerikenw ye jamana mugan ni ko nemogoya ta O.N.U (diñe jamana yeremahoronyalen ka tonba) ka yamaruya kono, ka Iraki kele, ka Koweti bo bolo la, ka Makan ni Banisirayila kisi. O kele folo in ma diya Iraki la. ONU ye gerente

suguya bee lajelen da Irakikaw kan, k'u kongo, ka marafew tige u la, k'u ke jamana konnéne ye, k'u bo wolo la. O bee sababuya bora Sadamu Huseni na. Sadamu Huseni da kojugu a yere la, a tun b'a fe ka petorolijamanaw mine silameya togo la, k'a ka fanga sigi Arabujamana kan diine togo la. Nka silameya ni arabuya te kelen ye. Sadamu ko Makan mansakew te silame ye; silame minnu be wele Siitiw, a y'olu kele. Siya min be wele kiridiw, a ye sisijugu fiye olu kan. Nin bee kelen min ke, a jugu cayara. Nka Iraki kono, a ka fanga barika tun ka bon. A sera a jugu bee la. A ye dof faga,

ka dōw don kasol la, dōw bolila. Bē siranna a jē. A tun kera i ko Ala, n'a ye min fō o be ke.

Kelē filan in wulila cogo di?

A sababuya ka ca. Kabini

Beniladēni ye dankari lamerikenw na, san 2002 setanburukalo tīl 11,

fa donna u la. Peresidan Zōrosi

Busi (lamerikenw ka nəməgəw) ko,

ko lamerikenw t'u sigi bilen kelē ka

na bin u sigilen kan, u be wuli k'a

kunben, a mana ke dijē fan o fan.

Lamerikenw somina sadamu na,

bawo olu jē be min na, n'o ye dijē

petərəlimayɔrɔw marali ye, Sadamu

fana jē b'o la. Malice fila dun tē ku

dankan kelen na. U y'a jateminē

fana, ko marafen cəjuguw bē

Sadamu bolo minnu bē se ka

lamerikenw silatunu. O kōfē, u y'a

jateminē fana, ko Iraki ni terorisw

bolo bē nōgon bolo, Ameriki kelēli

kama.

O be de kōson, lamerikenw ni

Angilejamana, ani Farajejamana

wērew, olu farala nōgon kan, ka

Sadamu ka fanga dafiri. Dēmebagā

ma sōrō Sadamu na kōkan.

Arabujamana si m'a dēme. Jamana

yēre kōnō, a ka sōrōdasiw y'u ban

kelē ma, kuma tē dugumogō tōw

ma. Faransi peresidan Zaki Siraki

y'a seko damajira bēs lajelen ke

walasa kelē in kana wuli, a ma se.

Faransi, Alimanjamana,

Irisijamana, ani Kanada, olu bēs da

tun be file kelen na. U ka kan ka fo

u ka cēsiri la, bawo kelē ka ke,

mōgō si ma sōrō k'a fō a ka dabilā, o

man ni Mali ni Farafinjamana ni

ONU bēs tun da be file kelen na,

kelē dabilāli.

Sadamu de ye nin bēs lase

irakikaw ma, bawo lamerikenw y'a

jira ko min ka bon o de ka girin. Bo

be kari a fēgenmayɔrɔ de la. Ko

bere ka jugu, tajurusarabere ka

jugu.

An be dugawu ke, Ala ka Irakaw bo

a da numan fe. Ka dijē bēs kisi

gēregēre ma.

Mahamadu Konta.

Musow ka pantalondon dabila la Kameruni forobacakēdaw la

Kameruni minisiriso gōmōgo ka sekereteri ye sariya dōta, min b'a jira ko «Kerenkerennya la, musow ka kan k'u yēre minē pantalon, zipu kunkurunnin, tiriko, kō suturalen tē fini minnu na, donnī ma». O sariya in tara kabini san 1993. A bolila cakeda caman kan.

Nin fisamantiya min kera nin ye finiko la musow fan fē forobacakēdaw la, a benna dōw ma, dōw ko kerebete.

Marabolo minisiriso la, sariya in lafasara. U y'a jira ko «Musō dōw tun be na birow kōnō, u suturalen tē, i n'a fō u taatōla don dōnkēyōrō walima sinimaso la».

Musow ka o yēresuturubaliya kera sababu ye ka boliw misenninw caya, ka mōgō hakili bo baara kan. Zan Irisan Banga, y'a jira, marabolo minisiriso baarakela dōdon, ko «Pantalon yēlīmusola, obēseka bāarakela miiri da fēn wēre kan, min tē a na kun ye». Kasoladenw kōlsilibaga dō y'a jira ko «Pantalon be mōgō nege wuli, sango n'a be muso fari cogoya jira».

Nin fēn o fēn fōra nin ye, muso dō bē yen, a tōgo Kilarisi Mbazowa magobatigi don ale ma sōn o si ma. A y'a jira ko «Nin bēs ye manamana kuma ye.

Pantalon bēnen don muso la, a bē se k'i yēlemayelema n'a ye a sago la, ka sōcāma cōctō. Pantalon ka kan ce ni muso bēs la. Musow balili a donnī ma kun ni ju t'o la. A dimina k'a fō tuguni ko : «farifagako don, maalankolonya don, nēnini don, ka jēsin musow ma, dankariko don musow danbe la.

Nicēn nitulolanēgew an'ukundiglen donna birow kōnō fēn dun tē fō o la».

Nintinyemusomagobatigw ka kuma ye.

Kameruni forobacakēda dōw bē yen, olu tē sōn muso pantalontigi ka don u ka birow kōnō. Nka sariyaw bē ka mōgō kabakoya, bawo a b'i ko jamanakuntigi yēre muso tē misali numan ye a ko la.

Faransuwa Bisēge
Mahamadu Konta

TULON

Nin desen fila dilanbaga y'a dab'a kama ka fili 10 k'u la. A y'olu nini



jaabi

1) ja min be numantebollo jukro. 2) Musō kūnsigī. 3) Jolks min be cenin kān na.
4) Tegē mīn jānkarannen don. 5) Cenin ka dūlōkī bolijugū dō. 6) Musō kān. 7)
Kiniñfe finetrit. 8) Cenin dawolo dō. 9) Jūgu minnu be ten kān. 10) So sanfeila.

San 2002 ntolatan : Senegali ye kunnawolo

Farafinna ntolatan nəməgəw yelajé ke Afirikidisidi faaba kono, Jowanésiburu ka san 2002 njanaw jansa ntolatan sira kan. O hukumu kono, Senegali ntolatannaba Elihaji Jufu sugandira K'a ke Farafinna ntolatanna njanaw ka nana ye san 2002 kono. O benna Farafinna bée ma, bawo, hali ni Jufu te bidonnaba ye in'a fo Patirisi Ngoma, ntolatansen min b'a koro ani jogo min b'a la, olu nəgən soro man di. Jufu ka teli, a bē se koli la, a te siran. Ntolatannaman gan, i b'a ye fan bée : Kofe, cemance la, nəfə. Wa nəngo te. Senegali ye bi caman don, ale de ye olu dilan k'u di tow ma, u k'u don. O kofe, a bē ntola tan ni fasokanu ye, o de b'a to, a te səgen, a te ninen, a te timinangoya.

Senegali kelen ye jansa duuru soro : Ntolatanna nana, a y'o soro, bi donnən min nəna ka teme bi to bée kan san kono, okera Papu Jepuka biye, Faransi kun. Senegali degelikaraməgə; Birino Metusu, o ye tubatu ye, o kera degelikaraməgəw la nana ye. Jokolosibaga nana farafinna kono, o fana kera Senegalika ye, Toni Siliwa. Jamana min kera bée nə ntolatanna na san 2002 la, o jala dira Senegali ma, hali n'o y'a soro Kameruni de ye Kupu ta. Mawadi Wadi, o fana ye Senegalika ye, o fana jansara, ka da a ka cəsirikan Farafinna ntolatanyiriwali baaraw la.

Ala ko tijé, san 2002 la, Senegali ye Farafinna bée kunnawolo. Mali nəgənkunbenba la, Senegalitun bē se

ka kupu ta, i n'a fo Kameruni. O kofe, kupudimondi ntolatan föla, Faransi gosira Senegali fe, o nəgən tun ma deli ka ke föla. U ye joyorō min soro o senfe, ni Kameruni ts, Farafinjamana si ma se o yorō la föla.

Senegalima ninjoyorōba in soro yorōni kelen. U məennna nagasi nagasi la. U ka nəməgəw nəba bē a la. O kofe, Senegali ntolatanna ninnu caman wolola Faransi ka mo yen, ka don ntolatankolila yen. Dəw kərə bayalen sera nansara jamanaw kan u la. Wa u bée bē ntola tan tonbaw de la ka fara o kan dijé nəfə. O koro ye k'u ka baara ye ntolatan ye. Senegali mago mana jo u la, u bē wele ka fara nəgən kan, o waati la, ka faso kunnabō.

Mahamadu Konta

San 2014 Kupudimondi bē tan Berezili

Ntolatankolila Kanubagaw b'a kalama, san 1950, Kupudimondi tanna Berezili. Nana fila minnu ye nəgən soro a labana, o kera Berezili ni Uruge ye. O don, Uruge ye Berezili ci, 2 ni 1, ka Kupu ta. Odimibarika bonyara fok'a damatəmə berezilikaw kan. A folen, ko san 2014 ta bəna ke Berezili, mogəwnisəndiyara, k'o bəna ke sababu ye, Berezili ka se ka Kupu ta a fadugukolo kan; Bawo Berezili bē nin Kupu ta in bée la, sijé 5, a y'a ta dijé gun bée kan, nka a ma se k'a ta a yere fe yen. An bē dugawu ke, sijé 20 nan min bəna ke u fe yen, Ala k'an si jo k'o kono, Berezili ka o ta. Berezili bē gun min kan, Ameriki woroduguyanfan, bée b'a dən k'a fo, ntolatanyerənkənta soro yen kosebə. Kupudimonditara sijé 9, yenjamanaw fe. Berezili keleny ijo ni 5 ye, Arizantini 2 Urugu2. San 2002 la, dijéntolatankolila (FIFA) y'a jira, ko dijé kupudimondi labenni bē bo nəgən koro : 2002 kera Azi Gun kan (Kore ni Zapon). San 2006 bē ke Erəpu gun kan, Alimanjamana kono. San 2010 ta bē ke Farafinna gun kan, dugu ma perepereratige föla a bəna ke yorō min na, Farafinna kono. San 2014 ta, o bē ke Ameriki woroduguyanfan kono; Berezili sugandira o la. Nka Berezili

sugandili ma ke nəgəya la. Arizantini, Sili, Ekateri ni Peru, olu bēs tun y'u kanbəa nəfə. Nka a tora belebele ta la. Parage ntolatankolila nəməgə, Nikola Leoziye Berezili jukorəmatonton, bawo ale ka jate la, ntolatanyerənkənta numanw bē labəli ke Pele ka jamana kan. Berezili ntolatankolila nəməgəba, Rikarido Teyizeyira y'a jira, ko san 11 bē u ni san 2014 ce. O b'a to, Berezili ka baara ke a sago la, ka labənw sabati a nəma. Farikolojenajeyorō min ka bon

ka teme jamana bē ta kan, o bē Berezili, a təgo «Marakana». Mögə 195.513 delila ka don a kono; o kera san 1954, Berezili ni Parage ka nəgənkunben senfe. Hakililajigin na, san 1950, o Marakana kelen in kono, Berezili cira Uruge fe. Ce min ye Uruge ka bi 2nan don, o təgo tun ye Gizia ye. Ay'ikuruk'u seri, k'i yələma ka Berezili ka jo yara. O kelen min ke, berezilikaka caman y'i yere fili ka bə san fe, k'u yere faga. O san 64 ye ninan ye. Berezili b'a fe san 2014 ta la, ka mogəw ninə o kasara ninnu kō.

Mahamadu Konta

Mali ntolakanubagaw

Ntolakanubagaw bē mankan min ke ntolatanyerənkənta, u man kan ka jalaki sabu ntolatankolila sariyaw te nəfə u ye u k'a faamu. A bēs bē fö tubabukan dərən de la.

Hali n'i y'a ye ko Mali ma se ka nətaa soro ntolatankola, tubabukan sen b'a la; sabu mogəminnu ka kanka ntolatankolila dege a te kənə ou ma. O kərəmasurun ye mun ye? Ni mogəmin ye sanpiyonna laje i b'a faamu ko n'a bora Tata ni Biton ni Erenəsansi la, a to bēs ye Bamako n'a lamini ye. O de b'a jira an na ko Mali ntolatankolila soro ka gelən fa k'a dama teme.

Pate Boli
Danbanna Kita.

| |
|---|
| "AMAP" kuntigi Solomani DARABO |
| Mali kanw kunnafonisəbenw baarada kuntigi Nanze Samake Kibaru |
| BP. 24 Téléfoni: 221-21-04 Kibaru Buguifiye Bozola Bamako - Mali |
| Səbənbagaw kuntigi Badama Dukure Səbənni jekili Mahamadu KONTA Badama Dukure labiduguyəcə, Kibaru - oaledilan baarada Bolet Hako: 16 000 |